

[Augsburg], 13. August 1555

An Joachim Camerarius d. Ä.

BSB, Clm 10370, Nr. 254.

Clarissimo viro, D. Ioachimo Camerario etc. Domino et amico suo colendo. Leipzig.
 S. P. D. Si quid optando proficeretur, vellem te ista Conradina molestia liberatum esse. Nunc
 cum ea quae facta sunt, infecta fieri nequeant, neque consilium tuum improbare, neque
 euentum laudare possum, quem D. Hulderichus molestè ferre visus est, et nescio quid de
 adolescentis comitibus suspicari. Literas se daturum et ad te et ad Conradum, cum primum per
 negocia licuerit, pollicitus est, in quibus affectum suum declarabit, neque tam inhumanum
 fore puto, vt τὸ ἀκουσίως γενόμενον ἐκτραγωδῆ. Nos quidem placare hominem sedulò
 studuimus. Libelli tui grati sunt dominis meis, et D. Francisco suus redditus. Nos hic τῆς
 συγκλήτου κατάλυσιν ἄπρακτον καὶ μετ' οὐ πολὺ τῆς εἰρήνης καθαίρεσιν καὶ πολλὴν τῶν
 ληστευσόντων καὶ συλαγωγησόντων τὴν γερμανίαν ἀδειὰν expectamus. Sin comitia Ratisponae
 ad Calendas Martias indicanda, vt ferunt, aliquos in officio hactenus continuerint,
 gaudebimus. Vale. Idibus Augusti Anno 1555.

Hiero[nymus] Wolfius Tuus.